

q̄ on luy cōseille. Quant a la quarte ou tu dis q̄ la iōglerie des fēmes ne peult riēs celer fors ce que elle ne scet ceste parole doit estre ētēdue d'aucunes mauuaïses fēmes ionglereſſes ⁊ parleresſes desquelles lon dit. Troys choses sont qui iectent l'omme hors de sa maison. Cest assauoir la fumiere, la goutiere, et la mauuaïse femme. Et de celle femme parle salomon quāt il dit. Il vouldroit mieulx habiter en terre deserte que avec femme rioteuse courouceuse ou noïseuse. Or sces tu bien que par maniere quelconcqs tu ne mas trouue tele ains as souuent esprouue mon grant silence et ma grant souffrance et comme ie ay garde les choses que tu mauois manifestees lesquelles ie deuoie celer et tenir secretes. Quant a la quinte rayson ou tu dis que en mauuais conseil les femmes vainquent les hommes ceste rayson na point cy son lieu car tu ne demādes pas conseil de mal faire ⁊ le tu ouuroies ou vouloyes ouurer de mauuais conseil et mal faire et ta femme ten retraist et te vainquist ce ne seroit pas a re p̄d̄ze mais a louer. Et ainsi doit on entendre le dit du prophete. En mauuais conseil vainquent les femmes les hommes car aucunesfoys quant les hommes veulēt ouurer de mauuais conseil et faire chose illicite et deshonnestes les femmes les en retraiēt ⁊ les vainquēt.

Durce que vous blasmes tāt les femmes et vituperes enozmeemēt leur conseil ie vous vucil monstrer ⁊ de fait vous montre par plusieurs raysons que moult de femmes ont este bonnes et sont et leur conseil bon et prouffitable. Premièrement lon a acoustume de dire conseil de femme ou il est treschier ou il est tresuil. Car iacoit ce que moult de femmes soient tresmauuaïses et leur conseil tresuil toutesuoyes lon en treuue asses de bonnes ⁊ qui tresbon conseil et treschier ont donne. Ne lisons nous pas en la bible q̄ iacob par le bō conseil de rebecca sa mere gaigna la benedictiō de ysaac son pere et eut la seignourie sur tous ses freres. Nous lisons aussi que iudith par son bon conseil deliura la cite de buchulie ou elle demouroit des mains ho lofernes qui lauoit assēgie et la vouloit destruire. Nous lisons aussi de habigail qui par son bon conseil deliura nabel son mary des mains du roy dauid ⁊ par son sens lappaïsa. Nous lisons aussi que hester par son bon conseil eleua moult son peuple ou royaulme de assuere le roy ⁊ ainsi peult lō dire de moult d'autres. Apres quāt nostre seigneur eut cree adam le premier homme il dist Il nest pas bon l'omme estre tout seul faisons luy adiutoire semblable a luy. Se elles donques nestoient bonnes et leur cōseil bon nostre seigneur ne les